

**«ԷյՋ-Էս-Բի-Սի Բանկ Հայաստան» ՓԲԸ**

**2008թ. դեկտեմբերի 31-ի դրությամբ  
ֆինանսական հաշվետվություններին կից  
հայտարարություններ**


## Բովանդակություն


Բանկի ղեկավարության հայտարարությունը .....	2
Համապատասխանության մասին հայտարարություն .....	3
Եզրակացություն ՀՀ Կենտրոնական բանկի կողմից հաստատված բանկերի ներքին հսկողության իրականացման նվազագույն պայմաններին համապատասխանության վերաբերյալ .....	4
Գործունեության ակնարկ և ֆինանսական վերլուծություն.....	5

## Բանկի ղեկավարության հայտարարությունը

Բանկի ղեկավարությունը պատասխանատու է բանկի ֆինանսական վիճակը (բոլոր էական առումներով) արժանահավատորեն արտացոլող ֆինանսական հաշվետվություններին պատրաստման համար: Այդ կապակցությամբ բանկի ղեկավարությունը պատասխանատու է՝

- հաշվապահական հաշվառման քաղաքականության ընտրության, խորհրդի կողմից հաստատման և դրա հետևողականորեն կիրառման համար,
- հիմնավորված գնահատումներ և հաշվարկներ կատարելու համար,
- հաշվապահական հաշիվների գրանցումների ճշգրիտ վարման համար,
- հաշվապահական հաշվառման ստանդարտների պահանջների պահպանման, իսկ շեղումների դեպքում՝ ֆինանսական հաշվետվություններին կից դրանց բացահայտման համար,
- ֆինանսական հաշվետվությունները անընդհատության սկզբունքի հիման վրա պատրաստելու համար, քանի դեռ հանգամանքներն այլ կերպ չեն թելադրում,
- ՀՀ կենտրոնական բանկի կողմից սահմանված բանկերի ներքին հսկողության իրականացման նվազագույն պայմաններին համապատասխանող արդյունավետ և հուսալի ներքին հսկողության համակարգի մշակման, ներդրման և գործունեության ապահովման, իսկ չհամապատասխանելու դեպքում՝ ֆինանսական հաշվետվություններին կից այդ թերությունների բացահայտման համար,
- Բանկի ֆինանսական վիճակի վերաբերյալ ժամանակին և բավարար ճշտությամբ տեղեկատվություն ապահովող, ՀՀ օրենսդրությանը և հաշվապահական հաշվառման ստանդարտներին համապատասխանող հաշվապահական հաշվառման գործուն համակարգի ներդրման համար,
- Բանկի ակտիվների պահպանության, խարդախությունների և անճշտությունների բացահայտման ու կանխման ուղղությամբ՝ իր իրավասությունների սահմաններում, միջոցներ ձեռնարկելու համար:

  
Թիմ Սլեյթեր  
Գլխավոր գործադիր տնօրեն

  
Աստղիկ Դրամբյան  
Գլխավոր հաշվապահ

## **Համապատասխանության մասին հայտարարություն**

Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների («ՖՀՄՍ») պահանջների համաձայն:

Ֆինանսական հաշվետվությունները բոլոր էական առումներով ճշմարիտ արտացոլում են Բանկի ֆինանսական վիճակը առ 31 դեկտեմբերի 2008թ., ինչպես նաև հաշվետու ժամանակաշրջանի նրա գործունեության արդյունքներն ու դրամական միջոցների հոսքերը:

**Եզրակացություն ՀՀ Կենտրոնական բանկի կողմից հաստատված բանկերի  
ներքին հսկողության իրականացման նվազագույն պայմաններին  
համապատասխանության վերաբերյալ**

Սույն եզրակացությունը կազմված է «Էյչ-Էս-Բի-Սի Բանկ Հայաստան» ՓԲԸ-ի Ներքին աուդիտի ստորաբաժանման կողմից 2008թ. ընթացքում իրականացված պլանային ստուգումների և ընթացիկ վերահսկողության հիման վրա:

Հաշվի առնելով վերոնշյալը, մեր կարծիքով «Էյչ-Էս-Բի-Սի Բանկ Հայաստան» ՓԲԸ-ի գործունեությունը 2008թ. ընթացքում համապատասխանել է ՀՀ Կենտրոնական բանկի կողմից հաստատված բանկերի ներքին հսկողության իրականացման նվազագույն պայմաններին:

Ներքին աուդիտի ստորաբաժանում

## **Գործունեության ակնարկ և ֆինանսական վերլուծություն**

«Էյչ-Էս-Բի-Սի Բանկ Հայաստան» ՓԲԸ-ն տրամադրում է ֆինանսական ծառայությունների լայն ընտրանի: Պահպանելով ֆինանսական կայուն և առողջ բազա՝ Բանկը շարունակեց ընդլայնել իր գործառնությունների շրջանակը:

Գործունեության տասներեքերորդ տարվա ընթացքում շարունակվել են վերջին տարիներին ուրվագծված կայուն աճի միտումները: Բանկին հաջողվեց զարգացնել իր կողմից առաջարկվող ծառայությունները և ավելացնել հաճախորդների քանակը:

2008 թվականը կարելի է որակել որպես ևս մեկ հաջողված տարի Բանկի համար: Տարվա ամենամեծ նվաճումներից է Բանկի նոր Ազգային Սպասարկման Կենտրոնի (ԱՍԿ) և երկու մասնաճյուղերի բացումը, այսպիսով մասնաճյուղերի ընդհանուր թիվը հասցնելով տասի: Մասնաճյուղերի ցանցի ընդլայնումը և հաճախորդների հետ չառնչվող գործառնական ֆունկցիաների տեղափոխումը ԱՍԿ հնարավորություն տվեցին Բանկին առավել լավացնել հաճախորդների սպասարկման որակը, որի հետևանքով էականորեն աճեց հաճախորդների հաշիվների քանակը՝ տարեվերջի դրությամբ բանկը սպասարկել է 99,071 բանկային և ավանդային հաշիվներ, ինչը գերազանցում է նախորդ տարվա ցուցանիշը ավելի քան 60 տոկոսով:

Հետևելով իր հիմնական սկզբունքներին և արժեքներին՝ Բանկը կարողացել է ավելացնել իր վարկային պորտֆելը 40%-ով՝ 2007թ-ի համեմատ: 2008թ-ին շարունակեց զարգանալ անհատական բանկային ծառայությունների ոլորտը: Առևտրային վարկերը աճեցին 39%-ով և Բանկը շարունակում է պահպանել բարձրորակ պորտֆել և հաճախորդների բազա:

2008թ. դեկտեմբերի 31-ի դրությամբ Էյչ-Էս-Բի-Սի Բանկ Հայաստան ՓԲԸ-ի ընդհանուր ակտիվները գերազանցել են 122 մլրդ ՀՀ դրամը, և ակտիվների մեծությամբ Բանկը շարունակում է մնալ խոշորագույններից մեկը ՀՀ բանկային համակարգում:

2008թ. ընթացքում Բանկը զգալիորեն ընդլայնել է ավտոմատ գանձման մեքենաների իր ցանցը՝ ԱԳՄ-ների քանակը հասցնելով 43-ի:

2008թ. գործունեության արդյունքներով Նյու Յորքի «Գլոբալ Ֆայնենսի» կողմից Բանկը ճանաչվել է Տարվա լավագույն բանկը Հայաստանում, «Աշխարհի Զարգացող Շուկաների Լավագույն Բանկն Ասիայում» մրցանակակարգում:

Այնուամենայնիվ, այս արդյունքներին հնարավոր չէր լինի հասնել առանց Հայաստանում առկա բարձր տնտեսական աճի, առանց Բանկի թվով 58,500 հաճախորդների գործարար հաջողության, նվիրվածության և աջակցության, ինչպես նաև առանց Բանկի թվով 412 բարձրակարգ աշխատակիցների անսահման ջանասիրության:

Հատկանշական է նաև Բանկի կորպորատիվ պատասխանատվությունը, որի շրջանակներում Բանկն իրականացնում է ներդրումներ տեղական զարգացման ծրագրերում, ինչպես նաև մասնակցում է Էյչ-Էս-Բի-Սի Խմբի կրթության և բնապահպանական ծրագրերի իրականացմանը Հայաստանում: Օրինակ՝ մասնակցությունը Future First Program ծրագրին, ծառատունկների կազմակերպմանը, «լեկիմիայով» տառապող երեխաներին օգնելու համար միջոցների հայթայթման գործում հաճախորդների և աշխատակիցների ներգրավմանը, ինչպես նաև պահպանված նկարների հիման վրա Սևանա լճի ավանդական առագաստանավերից մեկի վերականգմանը, UNICEF-ի հետ համատեղ «Օգնենք երեխաներին ապրել ընտանիքում» ծրագրի իրականացմանը, որի նպատակն է աջակցել Հայաստանում անապահով ընտանիքներին և նվազեցնել մանկատուն հանձնվող երեխաների քանակը:

*Ֆինանսական վերլուծություն*

Հարկերի վճարումից հետո Բանկի զուտ շահույթը հաշվետու ժամանակաշրջանի համար կազմել է 3,914 մլն դրամ, որը բանկի հիմնադրման պահից ի վեր ստացված լավագույն արդյունքն է: Բանկի գործառնությունների ծավալի ընդլայնման արդյունքում Բանկի զուտ տոկոսային եկամուտը և այլ գործառնական եկամուտն աճել են՝ կազմելով համապատասխանաբար 7,637 և 3,643 մլն դրամ: Գործառնական ծախսերը կազմել են 6,152 մլն դրամ: Ծախս/եկամուտ հարաբերակցությունը 2008թ-ի համար կազմել 54.54%: Կապիտալի եկամտաբերության ցուցանիշը 2008թ-ի համար կազմել 29.05%:

2008 թվականին բանկը չի վճարել շահաբաժիններ՝ շահույթն ուղղելով Բանկի հետագա զարգացմանը: Բանկի համար ներդրումների հիմնական ոլորտը նոր տեխնոլոգիաներն են, և ի լրումն ներկայումս մատուցվող ծառայություններին Բանկը պլանավորում է 2009 թվականին հաճախորդներին առաջարկել ինտերնետային և հեռախոսային բանկային ծառայություններ:

Է. Թըրնեթ  
Խորհրդի անդամ

Ա. Ալեքսանյան  
Խորհրդի անդամ